

Kajitok ko elab kajitoki ñan maron tōbrak ilo Apple Health kin COVID-19

1. Ewor ke uwata kin an naj jako Apple Health (Medicaid) eo ao ilo ien COVID-19 im ej jorren eo elab emoj an jelōte aoleben lal in?

Objij eo an Health Care Authority (HCA) im ro mōttan renaj kōbōjrak joortolok eo an aoleb ro rej ebōk Apple Health ijenlokin ñe armij eo make enaj:

- Kajitok an jemlok;
- Ejako an juon eo ej jokwe ilo state eo an Washington; ak
- Emoj an mij

2. Emoj ao kar loe juon leta ke emoj an kilok joortoklik eo ao bwe en ejellok kōkkaal. Ewi weweinao bar jinoe joortoklik eo ao?

Elañe joortoklik in ejmour eo am ear kilok kin an kar jab kōkkaal, rijerbal ro rej lale am maron tōbrak ilo HCA renaj bar kōbeloke. Kwōnaj loe juon leta ej kamoole mennin. Elañe ewor jabdrewot am kajitok ak joortoklik eo am ejañin bar belok, kirluk 1-800-562-3022.

3. Ij ke aikuj wot lelok kein kamool ñan kajitok an dreton raan ko maanlok ilo joortoklik eo ao?

Elañe kwōjab maron jilkintok ñan kim kamool in kolla jen COVID-19, HCA enaj kōmelim an ebōk kamool jen kwe kin kolla ñan am maron tōbrak ikijen joortoklik jen raan ko moktalok jino jen Babode 2020 im ñan kajojo allon ear jelōt jen COVID-19.

4. Imaron ke kajitok bwe en aitoklok ien ñan ao lelok melele ko raikuj etal ñan HCA ak Department of Social and Health Services (DSHS)?

Aet. Kim ej lelok bar 30 raan ñan lelok melele ko kajitoki. Kwōmaron kebaak HCA ilo 1-800-562-3022 ak DSHS ilo 1-877-501-2233.

5. Ej ke mennin aikuj wot ad kōjella kin oktak ko?

Aet. Elañe ejako am ebōk kolla ak kwar kolla jen jermal ñan kolla jen unemployment (jiban eo an bōjrak jermal), kwoj aikuj kōjella kin oktak eo ilo am kōkkaale melele eo ilo ablikajon eo am.



6. Ilo tōrre in, ij ebōk joortoklik ibben Apple Health im kio ibororo. Ij ke aikuj kōjella kin ao bororo?

Aet. Kwoj aikuj kōjella kin am bororo?

7. Ij ebōk joortoklik in Apple Health; ij ke aikuj kōjella kin kolla in unemployment (jiban ikijen bōjrak jerbal) ak bar \$600 kajojo wiik jen jiban unemployment?

Jab, kwojab aikuj kōjella kin kolla in elañe kwōj ebōk Apple Health ilo tōrre in.

8. Inaj ke bōk bar jiban in unemployment (bōjrak jerbal) \$600 kajojo wiik?

Aet, ekka an lōñ armij rej maron tōbrak ñan unemployment (bōjrak jerbal) renaj ebōk bar jiban kajojo wiik. Ñan melele ko relablok, jout im lale [Kajitok ko \(FAQs\) emoj an WA Employment Security Department lewaj](#).

9. Naat eo inaj jino ebōk bar \$600 kajojo wiik jen jiban eo an unemployment (bōjrak jerbal)?

State eo an Washington ej katmane an ajeje kolla in jino jen 4/20/2020. Ñan melele ko relablok, jout im lale [Kajitok ko \(FAQs\) emoj an WA Employment Security Department lewaj](#).

10. Emoj ao loe jek in stimulus (jiban) eo ao jen federal. Ij ke aikuj kōjella kin kolla in?

Jab, kwōjab aikuj kōjella kin jek in stimulus (jiban) eo ñan Washington Healthplanfinder. Kolla in stimulus (jiban) eo ejab bōnōbōn ñan Apple Health.

11. Jek in stimulus (jiban) eo ao edrik jen joñan eo iar katmane. Ta eo ij aikuj kōmmene?

Lolak [website eo an Internal Revenue Service \(IRS\)](#) ñan kajitok ko ikijen jek in stimulus (jiban) eo am.

12. Ij ke aikuj wot kollaiki ijoko kwōnao ñan Children’s Health Insurance Program (CHIP)?

Elañe kwar jelōt jen COVID-19, kwōmaron naj tōbrak bwe en jako muri ko am ibben CHIP elañe kwoj:

- Jab maron kollaiki ijoko kwōnaam ibben CHIP; ak
- Kwōjab maron tōbrak ilo tōrre in ñan CHIP kin kolla ko am ibben CHIP im remootlok ien kollaiki.

13. Ij ebōk joortoklik iomwin Apple Health for Worker’s with Disabilities (HWD). Ij ke maron wot tōbrak?

Elañe kwōj ebōk HWD im edriklok kolla eo am, bōjrak jerbal eo am, ak bōjrak am jerbal ilo jidrik ien, kwōj maron wot wonmaanlok in ebōk joortoklik im remaron jolok ijoko kwōnaam.

- Kirluk 1-800-871-9275
- Elañe kwōj bar ebōk Long Term Services and Supports (LTSS)), kebaak Public Benefit Specialist (PBS) ilo am lolak [DSHS Aging and Long-Term Support Administration \(ALSA\)](#) website.



14. Ejab ña juon eo ej jokwe ilo Washington, bōtab iar jambo tok ñan ijin, im kio inanninmij im ij bed wot iloan em. Imaron ke kateruru ñan Apple Health ñan teej im/ak jiban in takto kin COVID-19?

Elañe kwar aikuj bed wot iloan mweo mom ilo Washington State, kwōmaron tōbrak ñan joortoklik im jiban in takto kin COVID-19. Jouj im kirluk HCA ilo 1-800-562-3022 ñan melele ko relablok.

15. Ij ebōk joortoklik ibben DSHS im ekka ao aikuj lelok kamool in kolla ak beba in kamool ko jen bank. Ij ke aikuj wot lelok melele in ilo beba?

Jab, bōtab kwōmaron make kamool kolla eo am im jiban ko am ilo ien am kateruru, kōkkaal, ak kōjella kin juon otkak. Kwōmaron kirluk DSHS ilo 1-877-501-2233 ñan kōjella kin melele ko am.

16. Iar teej ñan COVID-19 ilo jikin eo ij bed iloan wa im emoj ao kateruru ñan joortoklik in AEM. Beba ta ko ij aikuj lelok?

Kajojo jikin teej enaj lewaj otkak in beba. Lelok jabdrewot beba ear iwoj im ej kwalok ke kwar teej ñan COVID-19. Kwōnaj bar aikuj lelok jabdrewot jaat im/ak jeje ko rej kwalok un oak jiban in takto ko am. Enaj melim jabdrewot beba kwoj bōk jen takto eo am im ej kwalok teej eo am.

